

ხელშეკრულება სახელმწიფო შესყიდვის შესახებ N275

ქ. ზუგდიდი

28 სექტემბერი, 2016 წელი

ერთი მხრივ, შპს „ზუგდიდექსპეტიზა“ მისი დირექტორის ზურაბ ბერულავას სახით (შემდგომში „შემსრულებელი“) და, მეორე მხრივ, სსიპ ქალაქ ზუგდიდის №8 საჯარო სკოლა (შემდგომში „დამკვეთი“), მის.: ქ.ზუგდიდი, პუშკინის ქ. №157 წარმოდგენილი მისი დირექტორის ირმა ქობალიას სახით (შემდგომში „შემსყიდველი“), საქართველოს კანონის „სახელმწიფო შესყიდვების შესახებ“ და „სახელმწიფო შესყიდვების განხორციელების წესის შესახებ დებულების“ საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია შემსრულებლის მიერ დამკვეთისათვის შემდეგი სახის აუდიტორული მომსახურება: სკოლის ბალანსზე რიცხული შენობის ტექნიკური მდგომარეობის დადგენა (CPV-კოდი 71600000-ტექნიკური შემოწმება, ანალიზი და საკონსულტაციო მომსახურებები), წინამდებარე ხელშეკრულებით გათვალისწინებული პირობების შესაბამისად გამარტივებული შესყიდვის საშუალებით.

1.2 სახელშეკრულებო პირობები

შესყიდვის ობიექტის მთლიანი სახელშეკრულებო თანხა საქართველოს კანონმდებლობით დადგენილი გადასახადების ჩათვლით შეადგენს – 100 (ასი) ლარს.

2. მიმწოდებლის პირობები

2.1 ხელშეკრულების თანახმად მომსახურების მიწოდების პუნქტად განსაზღვრულია დამკვეთის ოფისი, მდებარე მისამართზე: ქ. ზუგდიდი, პუშკინის ქ. №157.

2.3 პარალელურად, „შემსრულებელი“ ვალდებულია უზრუნველყოს თანხლები დოკუმენტაციის წარდგენა დამკვეთისათვის (საგადასახადო ანგარიშგაქტურა) ან კანონმდებლობით დაშვებული სხვა დოკუმენტი.

2.4 მომსახურების მიწოდების ვადაა 2016 წლის 28 ოქტომბრამდე პერიოდი.

3. მიღება-ჩაბარების წესი

3.1 მომსახურება ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

3.2 ხელშეკრულების ობიექტის მიღებას ახორციელებს დამკვეთისა და შემსრულებლის მიერ საამისოდ უფლებამოსილი წარმომადგენლები, რომლებიც მომსახურების მიღების შედეგების მიხედვით აფორმებენ მიღება-ჩაბარების აქტს.

3.3 მიღების ადგილი განისაზღვრება მხარეთა შორის მიღწეული შეთანხმებით.

3.4 ობიექტის მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს შემსრულებელი.

4. ანგარიშსწორების ფორმა და წესი

4.1 ანგარიშსწორება მიმწოდებელთან განხორციელდება უნაღდო აგარიშსწორებით, მიმწოდებლის ანგარიშზე თანხის გადარიცხვის გზით.

4.2 ანგარიშსწორებას შემსყიდველი განახორციელებს ფაქტობრივად მიღებული მომსახურების გათვალისწინებით შესაბამისი ანგარიშფაქტურის და მიღება-ჩაბარების აქტის წარდგენიდან 10 სამუშაო დღის ვადაში.

5. მხარეთა უფლება-მოვალეობანი

5.1 დამკვეთს უფლება აქვს:

– შეამოწმოს მომსახურების ხარისხის შესაბამისობა, ხელშეკრულებით გათვალისწინებულ პირობებთან.

5.2 მიწოდებული შესყიდვის ობიექტის შესახებ მხარეთა შორის დადგენილი ფორმის მიღება-ჩაბარების აქტის გაფორმება მიწოდებისთანავე.

5.2 შემსყიდველი უფლებამოსილია:

5.2.1 მიმწოდებლისგან მოითხოვოს უფლებრივად უნაკლო ობიექტის ხელშეკრულებით დადგენილ ვადაში მიღება;

5.2.2 დამკვეთის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;

5.2.3 შემსრულებლისგან მოითხოვოს მომსახურების გადაცემის შესახებ დადგენილი ფორმის მიღება-ჩაბარების აქტის გაფორმება.

5.3 შემსრულებელი ვალდებულია:

5.3.1 ხელშეკრულებით დადგენილ ვადაში ხელშეკრულებით დადგენილი ღირებულებით მიაწოდოს უფლებრივად და უნაკლოდ მომსახურება;

5.3.2 ხელშეკრულების მოქმედების პერიოდში დამკვეთს წარუდგინოს შესყიდვის ობიექტთან დაკავშირებით ნებისმიერი სახის ინფორმაცია და დოკუმენტები;

5.3.3 დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ.

5.4 მიმწოდებელი უფლებამოსილია:

5.4.1 შემსყიდველისგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

6. უფლებების გადაცემა

6.1 შემსრულებელს არა აქვს უფლება დამკვეთის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

7. ხელშეკრულების პირობების გადასინჯვის შესაძლებლობა

7.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8. ხელშეკრულებაში ცვლილებების შეტანა

8.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

8.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე ღროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

8.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. შეტყობინება

9.1 ნებისმიერი შეტყობინება, მხარის მიერ ხელშეკრულების შესაბამისად, გაეგზავნება მეორე მხარეს წერილობითი სახით, ხელშეკრულებაში მითითებულ მეორე მხარის მისამართზე.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10. ხელშეკრულების შესრულების შეფერხება

10.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

10.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

11. ხელშეკრულების პირობების შეუსრულებლობა

11.1 ხელშეკრულებითა და დამტკიცებული ვადების დარღვევისათვის მხარეები ჯარიმის სახით გადაიხდიან სახელშეკრულებო ღირებულების 0.5 %-ს, ყოველ გადაცილებულ დღეზე.

11.2 საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან ერთი თვის ვადაში.

11.3 საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

12. ხელშეკრულების მოქმედების შეწყვეტა

12.1 ხელიშეკრული მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.

12.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 2 (ორი) კვირით ადრე მაინც, ამასთან, უნდა მიეთითოს მიღებული გადაწყვეტილების საფუძველი და მისი ამოქმედების თარიღი.

12.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.

12.4 მხარეთა შორის გაფორმებული საბოლოო მიღება-ჩაბარების აქტი წარმოადგენს ხელშეკრულების მოქმედების შეწყვეტის საფუძველს.

13. ფორს-მაჟორი

13.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3 მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

14. დავების გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების ინსპექტირების პირობები

15.1 შემსყიდველს ან მის წარმომადგენელს უფლება აქვთ ხელშეკრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

15.2 ხელშეკრულების შესრულებაზე და მიღება-ჩაბარებაზე ინსპექტირებას განახორციელებს სკოლის დირექტორი ირმა ქობალაძე.

15.3 ინსპექტირება განხორციელდება წარმოქმნილი საჭიროებიდან გამომდინარე.

15.4 შემსყიდველი უფლებამოსილია განახორციელოს ხელშეკრულებით ნაკისრ ვალდებულებათა შესრულების, აგრეთვე მიღებული შესყიდვის ობიექტის ხარისხის რაოდენობის, შენახვის და მიწოდების ვადების კონტროლი.

16. დასკვნითი დებულებანი

16.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გარდამავების სურვილით.

16.2 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

16.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

16.4 ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.

16.5 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.

16.6 ხელშეკრულება ძალაში შედის მისი ხელმოწერის მომენტიდან და მოქმედებს 2016 წლის 28 ოქტომბრამდე.

16. ხელშეკრულების მე-4 მუხლით გათვალისწინებული გადახდის ნაწილში ხელშეკრულების მოქმედების ვადაა მისი ხელმოწერის მომენტიდან და მოქმედებს 2016 წლის 28 ოქტომბრამდე.

16.8 წინამდებარე ხელშეკრულება შედგენილია 2 (ორი) თანაბარუფლებიანი ძალის მქონე ეგზემპლარად და თითო-თითო ეგზემპლარი გადაეცემა მხარეებს.

17. მხარეთა მისამართები, საბანკო რეკვიზიტები და ხელმოწერები

<u>„შემსყიდველი“</u>	<u>„მიმწოდებელი“</u>
სსიპ ქალაქ ზუგდიდის №8 საჯარო სკოლა საიდენტიფიკაციო კოდი: 219986629 მისამართი: ქ. ზუგდიდი, პუშკინის ქ. №157 მომსახურე ბანკი: სს „ლიბერთი ბანკი“ ბანკის კოდი: LBRTGE22 ა/ნ №GE84LB0121148151852000	შპს „ზუგდიდექსპერტიზა“ საიდენტიფიკაციო კოდი: 220002128 მისამართი: ქ. ზუგდიდი, რუსთაველის ქ. №93 მომსახურე ბანკი: სს „ლიბერთი ბანკი“ ბანკის კოდი: LBRTGE 22 ა/ნ №GE93LB0113140929712000
ხელმოწერა:  / ი. კობალია /	ხელმოწერა:  / ჯურაბ ბერულავა /



მიღება-ჩაბარების აქტი

ქ. ზუგდიდი

17 ოქტომბერი 2016 წელი

ჩვენ ქვემოთ ხელის მომწერნი ერთის მხრივ სსიპ ქალაქ ზუგდიდის №8 საჯარო სკოლა, მისამართი ზუგდიდი, პუშკინის ქ. № 157, წარმოდგენილი მისი დირექტორის ირმა ქობალიას სახით(მიმღები) და მეორეს მხრივ შპს „ზუგდიდექსპერტიზა“ წარმოდგენილი მისი დირექტორის ზურაბ ბერულავას სახით (ჩამბარებელი), ვადასტურებთ, რომ 2016 წლის 17 ოქტომბერს პირველმა მიიღო, ხოლო მეორემ ჩააბარა 2016 წლის 17 ოქტომბერს გაფორმებული N275 ხელშეკრულებით გათვალისწინებული მომსახურება, რომლის ჯამური ღირებულებაა 100 (ასი) ლარი.

სსიპ ქალაქ ზუგდიდის
№8 საჯარო სკოლა

ირმა ქობალია
სკოლის დირექტორი

შპს „ზუგდიდექსპერტიზა „

